



## FAAALIGA FAALAUATELE

### SUIGA O LE ITUAIGA TISO (DIESEL) E AUINA MAI I TOTONU O SAMOA

Ua pasia nei e le Malo le suia o le ituaiga Tiso (Diesel) mai le ituaiga Tiso o loo faaaogaina i le taimi nei (5000 ppm i le 500 ppm). O lenei suiga i le Tiso o le amata faamamaluina i le ogatotonu o Ianuari 2013 pe a taunuu mai le vaa suauu i Samoa mo le masina o Ianuari.

O lenei faaiuga ina ia suia le ituaiga tiso, e mafua mai lea ina ua maea se iloiloga sa faataunuina i aafiaga o le siosiomaga i le vailaau o le sulphur i totonu o le tiso faatasi ai ma suiga o loo tutupu i le taimi nei mo le auina mai o suauu i totonu o le Pasefika.

O le faaitiitia o lenei vailaau o le sulphur i totonu o le tiso, o loo ua faatauaina i isi atunuu o le lalolagi ma o se laasaga lea i le faaleleia o le ea (air quality) o loo tatou manavaina e ala lea i le faaitiitia o kasa mai taavale afi tiso ina ia faaitiitia ai le kasa o le sulphur dioxide le e mafua ai timu o loo aofia ai ma vailaau oona(acid rain). O atunuu e pei o Europa, Amerika. Ausetalia ma Niu Sila ua amatalia ona faaitiitia le faaogaina o le tiso lea e laititi le vailaau o le sulphur i totonu ma ua amata ona faaaogaina e nisi o malo i le Pasefika e pei o Papua Niu Kini, Fiti ma atu motu o le Farani Polenisia.

O le faaitiitia foi o le manaoga mo le tiso e maualuga le vailaau o le sulphur (High Sulphur Diesel) ua avea ma mafuaga ua faaitiitia ai fefaatauaiga i aso taitasi mo falegaosi suauu i Sigapoa, ma o le a lē toe i ai ni tau faatulagaina e faalauiloaina i aso taitasi mo lea tiso e maualuga le vailaau sulphur e amata atu i le Aso 2 o Ianuari 2013.

O fesili ma tali o loo tuuina atu i le mamalu o le atunuu o loo faatauina le tiso ina ia mafai ona latou mataituina le aafiaga o le suiga i lenei tiso, ma o le faamauina e lē telē sona aafiaga.

Faafesootai le Vaega o Faiga Faavae e Mataituina Malosiaga i le telefoni 34341 po o le 34403 poo le emeli : [energy@mof.gov.ws](mailto:energy@mof.gov.ws) i le Matagaluega o Tupe mo nisi faamatalaga.

Lavea Tupa'imatuna Iulai Lavea  
**Ofisa Sili**

## **Fesili ma Tali e faatatau i le Suiga o le Tiso mai le 5000ppm Sulphur i le 500 ppm Sulphur**

**F.** E mafai ona fefiloi faatasi le suauu fou ma le suauu tuai o loo i totonu o se tane suauu o le taavale?

**T.** Ioe, e leai se aafiaga pe a fefiloi ia ituaiga o tiso e eseese vailaau o le sulphur ma faaogaina le suauu o loo i totonu o le taavale afi o loo faapena ona alu i le 5000ppm sulphur.

**F.** Pe o le a maualuga le tau o le tiso fou (Low-Sulphur Diesel)?

**T.** O le Low-Sulphur Tiso e taugata laititi lava i le 1-2 sene i le lita nai lo o le High-Sulphur Tiso. O le High-Sulphur Tiso o le a lē toe faatauina i Sigapoa ma o le a lē toe I ai se tau e faia i aso taitasi, ma o le a le mafai ona iai se faatusatusaga e faia i le lumanai.

**F.** E iai se eseese o le a maitauina?

**T.** E leai, ae o le a lē toe vaaia pe o le a faaitiitia ai asu lanu uliuli mai le faaogaina o le tiso fou.

**F.** O a nisi suiga ua faia i le tiso?

**T.** E leai ni suiga ua faia e ese mai nai le faaitiitia o le vailaau o le sulphur i totonu o le tiso.

**F.** Pe tatau ona suia le ituaiga suauu afi taavale o loo ou faaogaina?

**T.** E tatau ona e faafesootai se fautuaga mai le kamupani na fausiaina le taavale po o le afi o le taavale.

**F.** O le ituaiga tiso 500ppm o se suauu e matua maualalo le vailaau o le sulphur (ultra-low sulphur) e iai?

**T.** E leai o le low sulphur, ae o le suauu e matua maualalo le vailaau o le sulphur (ultra-low sulphur) e 10 ppm.

**F.** O a fea o loo fuafua ai Samoa e faaogaina i le ituaiga tiso e 10 ppm lea e matua maualalo le vailaau sulphur i totonu (ultra-low sulphur diesel).

**T.** E lē o i ai se fuafuaga mo Samoa e sui i le ituaiga tiso o le 10 ppm lea e matua maualalo le vailaau sulphur (ultra-low sulphur diesel).

**F.** Aisea na le suia ai le ituaiga tiso i le low-sulphur i tausaga ua mavae?

**T.** Sa faatinoina iloiloga i tausaga ua mavae ma o le faatuputupulaia o le aofai o tagata Samoa faatasi ai ma le tulaga o le auina mai o le suauu lea ua faatauaina ai lea suiga.